



## Publicaziuns dalla vischnaunca, jamna 25

### Damondas da baghegiar

#### 2024-1049.000

**Datum dalla publicaziun: 21-6-2024**

Patrun: Ovra solara Magriel SA  
Parkstrasse 23, 5401 Baden

Representant: Basler&Hofmann AG  
Forchstrasse 395, 8032 Turitg

Intenziun: Stabiliment fotovoltaic da gronda  
dimensiun tenor art. 71a dalla lescha  
federala d'energia; cun examinaziun  
ecologica, cun damonda per  
stabiliments en via, damonda per  
l'installaziun da plazzals, la damonda  
per l'approbaziun dil project tenor  
gl'uffeci federal da tensiun aulta ESTI  
vegn tractada e publicada en ina  
procedura separada; visualisaziun digl  
entir stabiliment fotovoltaic da gronda  
dimensiun, vestas en 3D

Edifeci nr.: Edifecis e stabiliments novs

Parcella: 2336, 2539, 2541, 2932, 1333

Adressa: Gendusas, Sum Plaunca Hermer,  
Caischavedra e Sax Su

Zona: Zona agricola, zona pil sport  
d'unviern, zona per indrezs turistics,  
zona per l'utilisaziun futura da  
construcziun, ulteriur territori  
communal

Zona da prighel: Areal da registraziun

#### 2019-1041.002

**Datum dalla publicaziun: 21-6-2024**

Patrun: Immo Invest Partner AG,  
Schaffhauserstrasse 131  
8152 Glattbrugg

Representant: Immo Invest Partner AG,  
Schaffhauserstrasse 131  
8152 Glattbrugg

Intenziun: Plan d'installaziun - construcziun  
nova en connex cun la lubientscha da  
baghegiar legalmein valeivla dils  
28 da fevrer 2020 (construcziun nova  
dil resort Acla da Fontauna etc.;  
project nr. 2019-1041.000)

Parcella: 1346, 1342 e 1339

Adressa: Acla da Fontauna, 7180 Disentis/Mustér

Zona: Zona speciala Acla da Fontauna  
(art. 27 LB)

Zona da prighel: Negin zona da prighel

Plan da quartier: Plan d'areal Acla da Fontauna

#### 2024-1055.000

**Datum dalla publicaziun: 21-6-2024**

Patrun: Urs Manser  
Maihofmatte 7, 6006 Lucerna

Representant: Studio UH GmbH  
Via Sursilvana 18  
7180 Disentis/Mustér

Intenziun: Renovaziun dalla habitaziun da vacanzas existenta Via Muschnas 1, 7186 Segnas



Edifeci nr.: 337A  
Parcella: 386  
Adressa: Via Muschnas 1, 7186 Segnas  
Zona: Zona da habitar  
Zona da prighel: Negina zona da prighel

**2024-1050.000**

**Datum dalla publicaziun: 21-06-2024**

Patrun: Casatec Group SA  
Via dalla Stampa 8  
7180 Disentis/Mustér  
Representant: huonder bisquolm architects sa  
Via da Scola 18  
7180 Disentis/Mustér  
Intenziun: Construcziun da duas casas d'ina  
habitaziun, parcella 1121,  
Via Muot Selvaun 3-5, 7186 Segnas  
Parcella: 1121  
Adressa: Via Muot Selvaun 3-5, 7186 Segnas  
Zona: Zona dil vitg engrondida  
Zona da prighel: Negina zona da prighel

**Protestas:**

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

---

**Revisiun totala dalla planisaziun locala**

**Exposiziun publica da cooperaziun cun exposiziun da recuors concernent la determinaziun digl uaul**  
En applicaziun digl art. 13 dall'ordinaziun cantunala davart la planisaziun dil territori pil cantun Grischun (OPTGR) ha liug l'exposiziun publica da cooperaziun per ina revisiun totala dalla planisaziun locala dalla vischnaunca da Disentis/Mustér.

Il medem mument occuora en applicaziun digl art. 11 dalla lescha cantunala d'uaul (LCG/KwaG) ed art. 13 al. 1 dalla lescha federala d'uaul (WaG) l'exposiziun publica davart la determinaziun dil cunfin uaul, definida entras ils organs forestals cumpetents sco era ils cunfins d'uaul enteifer il spazi dalla zona d'uaul/digl uaul tenor la mesiraziun officiala.

Object: Revisiun totala dalla planisaziun locala «territori habitau e lescha da baghegiar»

Acts d'exposiziun:

- Lescha da baghegiar
- Plan da zonas e plan general da formaziun 1:2000 Acletta/Funs, Disentis/Mustér,
- Faltscharidas, Segnas, Buretsch, Peisel, Cuo, Mumpé Medel, Clavaniev
- Plan da zonas e plan general da formaziun 1:2000 Disla, Cavardiras, Pardomat Dadens, Madernal, Mumpé Tujetsch

Annexa:

- Rapport da planisaziun

Termin da publicaziun per la revisiun dalla planisaziun locala: **60 dis** naven dils **21 da zercladur** entochen ils **20 d'uost 2024** Liug e temps d'exposiziun: **online [www.mitwirken-disentis.ch](http://www.mitwirken-disentis.ch)** ni en casa communal, Via Cons 2, 7180 Disentis/Mustér (stanza nr. 01/ plaunterren), duront las uras da spurtegl



Propostas motivadas per midar ni completar ils mieds da planisaziun ein da far a scret entochen ils 20 d'ost 2024 sin [www.mitwirken-disentis.ch](http://www.mitwirken-disentis.ch) ni a scret alla suprastonza communal, Via Cons 2, 7180 Disentis/ Mustér (datum dil bul postal).

Acts d'exposiziun concernent la determinaziun dil cunfin d'uaul

Ils cunfins d'uaul defini entras la mesiraziun officiala ein marcai specialmein els plans da zonas 1:2000.

Recuors encunter la determinaziun dil cunfin d'uaul

Encunter la determinaziun dils cunfins d'uaul defini els plans da zona sa vegnir recurriu duront 30 dis dapi l'exposiziun officiala a scret al Departament d'infrastructura, energia e mobilitad dil Grischun, Ringstrasse 10, 7001 Cuera. Senza far diever dalla pusseivladad da recuors entra la determinaziun dil cunfin d'uaul en vigur legala.

Damondas en connex cun la determinaziun dil cunfin d'uaul

En cass da damondas concernent la determinaziun dil cunfin d'uaul stat igl uffeci d'uaul e prighels dalla natira, Regiun Surselva, Via Crappa Grossa 14, 7130 Ilanz, telefon 081 257 64 15 a disposiziun.

Informaziun publica planisaziun locala

Venderdis, ils 21 da zercladur 2024 allas 20.00 ha liug en halla Cons in'informaziun publica, nua ch'ei vegn orientau davart ils cuntegns e la procedura dalla revisiun dalla planisaziun locala sco era la revisiun dalla lescha da baghegiar. Suenter l'occurrenza vegn purschiu a tuts participonts in aperitiv.

Audienzas concernent la planisaziun locala

En connex cun l'exposiziun da cooperaziun porscha la vischnaunca ensemen cun la planisadra uras d'audienza. A caschun da quellas uras d'audienza eis ei pusseivel da tschentiar damondas specificas concernent igl agen schischom.

Gievgia, ils 27 da zercladur 2024, denter las 14.00 e las 20.00

Venderdis, ils 5 da fenadur 2024, denter las 14.00 e las 20.00

Venderdis, ils 9 d'ost 2024, denter las 14.00 e las 20.00

Per las audienzas eis ei da fixar silmeins treis dis ordavon in termin cun l'administraziun communal, **tel. 081 920 36 36**. Per mintga audienza ei reservau in temps da maximalmein 30 minutas. Ils termins vegnan fixai en successiun dall'annunzia.

Suprastonza communal

---

### Revisiun totala dalla planisaziun locala – Orientaziun publica davart la procedura

La fasa da preparaziun dalla revisiun dalla planisaziun locala ei sesviluppada aschi lunsch, ch'ei sa vegnir continuau cun la procedura publica.

Igl'emprem pass entscheiva cun l'exposiziun da cooperaziun publica che cuoza naven dils 21 da zercladur entochen ils 23 d'ost 2024 (mira publicaziun separada). Cun quella caschun envida la suprastonza communal vischinas e vischins e tuttas persunas interessadas ad ina sera d'orientaziun publica.

La sera d'informaziun ha liug venderdis, **ils 21 da zercladur 2024 allas 20.00** en halla Cons, Disentis/ Mustér.

Suenter l'occurrenza vegn purschiu a tuts participonts in aperitiv.

Suprastonza communal Disentis/ Mustér

---

### Vischnaunca Disentis/ Mustér – Revisiun parziala dalla planisaziun locala exposiziun da recuors

En applicaziun dad art. 48 alinea 4 dalla lescha davart la planisaziun dil territori pil cantun Grischun (LPTGR) ha liug l'exposiziun da recuors pertuccont la revisiun parziala dalla planisaziun locala dalla vischnaunca da Disentis/ Mustér, la quala ei vegnida approvada ils 9 da zercladur 2024 entras la votaziun all'urna.



Objects da publicaziun: Revisiun parziala dalla planisaziun locala «Val Sogn Placi e Val da Cuoz»

**Acts d'exposiziun Val Sogn Placi:**

- Plan da zonas 1:2 500
- Plan general d'avertura 1:5 000

**Acts d'exposiziun Val da Cuoz:**

- Plan da zonas 1:2 500
- Plan general d'avertura 1:2 500

**Annexa**

- Rapports da planisaziun e cooperaziun

*Termin da publicaziun:*

30 dis (naven dils 21 da zercladur entochen ils  
22 da fenadur 2024)

**Liug d'exposiziun:**

Administraziun communal Disentis/Mustér, stanza nr. 10, local da publicaziuns)  
Duront las uras da spurtegl e digital sin [www.disentis.ch/downloads](http://www.disentis.ch/downloads)

**Recuors da planisaziun:**

Persunas, las qualas han in agen interess digns da vegnir protegius vid ina contestaziun dalla planisaziun ni ch'ei legitimadas leutier tenor dretg federal, san inoltrar alla Regenza grischuna enteifer 30 dis dapi il datum da publicaziun a scret in recuors da planisaziun encunter la planisaziun locala.

**Organisaziuns digl ambient:**

Organisaziuns digl ambient exerciteschan lur dretg da recuors tenor art. 104, alinea 2 dalla lescha cantunala davart la planisaziun dil territori. Q.v.d. ellas s'annunzian enteifer il temps da recuors tier igl uffeci cantunal pil svilup dil territori ed inolteschan silsunter eventualmein ina posiziun.

*Suprastonza communal Disentis/Mustér*

---

**Segar e fenar las dumengias ed ils firaus**

Tenor la lescha cantunala davart ils dis da ruaus publics (DG 520.100) e la lescha communal davart ils dis da ruaus publics (840) ein lavurs agricolas ch'ei dependentas dall'aura lubidas, sch'ei smanatscha il prighel che la raccolta vegni svaletada ni lavagada. Senza necessitad eis ei scumandau da fenar la dumengia. En tuttacass eis ei scumandau da segar las dumengias e duront ils firaus. Quei scamond vala era per segar il pastget en curtins.

Bien engraziament per observar il scamond.

*Suprastonza communal*

---

**Rapport da gestiun 2023**

Il rapport da gestiun 2023 ell'usitada fuorma stampada ei vegnius distribuius en tuttas casadas en vischnaunca. Ulteriurs exemplars san vegnir retratgs en casa communal (plaunterren ed 1. alzada). Il rapport da gestiun culs detagls tiel quen ei era publicaus en fuorma digitala sin [www.disentis.ch](http://www.disentis.ch) sut downloads - contabilitad.

*Administraziun communal*

---



## Controlla da habitonts

### Mortori

Rita Manetsch-Derungs, naschida ils 12 da fevrer 1941, morta ils 12 da zercladur 2024

Administraziun communal

---

## Biblioteca populara Disentis/Mustér e contuorn

**Preavis: Il Hobbit - Not Soliva** presenta sia translaziun sursilvana dil cudisch « The Hobbit» da J.R.R. Tolkien **venderdis, ils 12 da fenadur 2024** allas 20.00.

Preziada clientella. Nus selegrein d'era astgar esser cheu per Vus duront las vacanzas da stad.

**Naven da gliendisdis, ils 24-6-2024 entochen venderdis, ils 9-8-2024** ei nossa biblioteca mintgamai aviarta sco suonda:

### gliendisdis e venderdis dallas 17.30 – 20.00.

Naven da gliendisdis, ils 12-8-2024 (entschatta dalla scola) ei la biblioteca puspei aviarta 4 gadas per jamna. Nus giavischein a Vus bialas vacanzas e selegrein sin Vossa viseta.

Il team dalla biblioteca

Liebe Leserinnen und Leser. Es freut uns, dass wir auch während der Sommerferien für Sie da sein dürfen.

**Ab Montag, 24.6.2024 bis Freitag, 9.8.2024** ist unsere Bibliothek jeweils wie folgt geöffnet:

### Montag und Freitag von 17.30 – 20.00 Uhr.

Ab Montag, 12.8.2024 (Schulbeginn) gelten wieder unsere üblichen Öffnungszeiten.

Wir wünschen Ihnen schöne Ferien und freuen uns auf Ihren Besuch.

Das Bibliotheksteam

---

## Uniun la pendentia

### Senda da viandar Cufions – Ragisch – Mumpé Medel puspei aviart

Las lavurs da construcziun el trutg a Ragisch per la pendentia ein terminadas. Naven da sonda, ils 21 da zercladur 2024 ei la via da viandar dalla punt Cufions tochen Mumpé-Medel puspei accessibla. La suprastonza dall'uniun engrazia per la pazienza ed igl interess. Ils 3 da fanadur vegn purschiu ina excursiun allas lavurs actualas per mirar las sugas e las lavurs da fier per sponsurs e commembers. Dapli informaziuns anfleis vus sin nossa pagina d'internet: [www.pendentia.ch](http://www.pendentia.ch)

### Wanderwege Cufions - Ragisch - Mumpé Medel wieder offen

Die Bauarbeiten für das Widerlager im Wanderweg Ragisch für die pendentia sind abgeschlossen. Ab Samstag, den 21. Juni 2024 ist der Wanderweg von der Brücke Cufions nach Mumpé-Medel wieder begehbar. Der Vereinsvorstand dankt für die Geduld und das Interesse. Am 3. Juli wird ein Ausflug zu den aktuellen Arbeiten am Seil und den Brückenteilen für Sponsoren und Mitglieder angeboten. Mehr Informationen findet ihr auf unsere Internetseite: [www.pendentia.ch](http://www.pendentia.ch)

---